

XIIau Festivau de Teatre ena escòla

Era escòla que representarà enguan era òbra serà era **Escòla Estudi Alejandro Casona de Les** ena Sala d'Actes der Ajuntament de Les.

Eth Conselh Generau meterà autocars a disposicion des escòles tath desplaçament des alumnes, que seràn eth public qu'assistirà tara representacion. Es òbres se representaràn pendent era primavera deth 2019.

Dimars, 30 d'abriu.

Tèma, preparacion e presentacion :

Era òbra representada pòt èster originau e inedita, adaptacion o non d'òbres existents, e en aranés (occitan d'Aran).

Eth tèma e eth genre dramatic ei libre. Era durada dera òbra non a de passar d'ua ora.

Era escòla representanta a de dar prioritat ara interpretacion sus es decorats e vestuari non sonque tà aglizar tant com se pogue era representacion senon, e sustot, tà qu'es escolans aprenen era vertadera esséncia deth teatre.

Eth Conselh participarà enes despenes que se pogue originar ara ora dera representacion dera òbra enqua un maxim de 300€ (era escòla representanta aurà de gestionar aguesta quantitat e presentar ena Tresaureria deth CGA, era relacion de factures qu'acrediten

es despenes hètes, amassa damb un ofici signat pera secretària o secretari deth Centre.)

Eth Conselh editarà tanben es programes de man damb eth resum dera òbra, es actors e actores e es diferents personatges que representen, dades qu'enviaràn es escòles damb avança tath Departament de Cultura e Lengua,

Tanben s'entregarà un CD de fòtos e un vidèu dera òbra ara escòla representanta e se balharà un diplòma as participants despús dera representacion.

Se convidarà, entà assistir tara Serada d'entrèga des prèmis enes dies propèrs ara Hèsta d'Aran, ara direccion dera escòla participanta tà remassar un present commemoratiu dera sua representacion teatrau, e tanben se convidarà as direccions de toti es auti centres escolars tad aguesta celebracion.

XXIXau. Concors Literari Mn. Condò Sambeat

XIIau Festivau de Teatre ena escòla

XIIau Concors de Diboish

2019

